



ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ  
ՆԱԽԱՐԱՐՈՒԹՅՈՒՆ



ՀԱՅԱՍՏԱՆԻ ՊԵՏԱԿԱՆ  
ՏՆՏԵՍՈՒԹՅԱՆ  
ՀԱՄԱՐԱԿԵՆՏՐ



**ՏՆՏԵՍՈՒԹՅԱՆ ԵՎ  
ՀԱՍԱՐԱԿՈՒԹՅԱՆ ԶԱՐԳԱՑՈՒՄ.  
21-րդ դարի մարտահրավերներ  
և հնարավորություններ**

**DEVELOPMENT OF ECONOMY AND SOCIETY:  
Challenges and Opportunities of 21st Century**

**РАЗВИТИЕ ЭКОНОМИКИ И ОБЩЕСТВА:  
ВЫЗОВЫ И ВОЗМОЖНОСТИ 21-ого века**

**ՀՊՏՀ 27-ՐԴ ԳԻՏԱԺՈՂՈՎ**

2017 թ., նոյեմբերի 22-24

**Երևան 2018**

ՀՏԴ 330:06  
ԳՄԴ 65  
S 778

Հրատարակվում է  
ՀՊՏՀ գիտական խորհրդի որոշմամբ

**Խմբագրական խորհրդի նախագահ՝**

**ԿՈՐՅՈՒՆ ԱԹՈՅԱՆ**

ՀՊՏՀ ռեկտոր, Կ.գ.դ., պրոֆեսոր

**Խմբագրական խորհուրդ՝**

- ԴԻԱՆԱ ԳԱԼՈՅԱՆ** - ՀՊՏՀ միջազգային տնտեսական հարաբերությունների ամբիոնի վարիչ, Կ.գ.դ., դոցենտ  
**ՍՈՒՐԵՆ ԳԵՎՈՐԳՅԱՆ** - ՀՊՏՀ բնօգտագործման տնտեսագիտության ամբիոնի վարիչ, Կ.գ.դ., պրոֆեսոր  
**ԱՇՈՏ ՄԱԹԵՎՈՍՅԱՆ** - ՀՊՏՀ հաշվապահական հաշվառման և աուդիտի ֆակուլտետի դեկան, Կ.գ.դ., պրոֆեսոր  
**ԽՈՐԵՆ ՄԻՆԻՔԱՐՅԱՆ** - ՀՊՏՀ գիտության և ասպիրանտուրայի բաժնի պետ, Կ.գ.թ., դոցենտ  
**ԱՇՈՏ ՍԱԼԵԱԶԱՐՅԱՆ** - ՀՊՏՀ ֆինանսների ամբիոնի վարիչ, Կ.գ.դ., պրոֆեսոր  
**ՎԱՐԴԱՆ ՍԱՐԳՍՅԱՆ** - ՀՊՏՀ տնտես. ինֆորմ. և տեղեկ. համակ. ամբիոնի վարիչ, Կ.գ.դ., պրոֆեսոր  
**ՅՈՒՐԻ ՍՈՒՎԱՐՅԱՆ** - ՀՊՏՀ կառավարման ամբիոնի վարիչ, ՀՀ ԳԱԱ ակադ., Կ.գ.դ., պրոֆեսոր  
**ԳԱԳԻԿ ՎԱՐԴԱՆՅԱՆ** - ՀՊՏՀ պրոռեկտոր, Կ.գ.դ., պրոֆեսոր

ՏՆՏԵՍՈՒԹՅԱՆ ԵՎ ՀԱՍԱՐԱԿՈՒԹՅԱՆ ԶԱՐԳԱՑՈՒՄ. 21-րդ դարի մարտահրավերներ և  
S 778 հնարավորություններ: ՀՊՏՀ 27-րդ գիտաժողովի նյութեր / ՀՊՏՀ: - Եր.: Տնտեսագետ,  
2018, 780 էջ:

ՀՏԴ 330:06  
ԳՄԴ 65

ISBN 978-9939-61-177-8

© «Տնտեսագետ» հրատարակչություն, 2018 թ.

## ՈՂՋՈՒՅՆԻ ԽՈՍՔ

Գիտաժողովի հարգելի՛ մասնակիցներ,

շնորհավորում եմ բոլորիս Հայաստանի պետական տնտեսագիտական համալսարանի 27-րդ գիտաժողովի բացման առթիվ և ցանկանում եմ շնորհակալություն հայտնել գիտաժողովի բոլոր մասնակիցներին, ովքեր հեղափոխություն են ցուցաբերել տնտեսության և հասարակության զարգացմանն առնչվող հրապապ հարցերի նկատմամբ:

Մեր համալսարանի տարեկան գիտաժողովները գեղեցիկ ավանդույթ են դարձել, բայց ես ուրախությամբ եմ նշում, որ դրանց կողքին այսօր առկա են մեր համալսարանի գիտական գործունեությունն արտացոլող այլ ձևաչափեր նույնպես: Հպարտությամբ եմ նշում, որ հեղափոխական համալսարան դառնալու և մեր պետության տնտեսական կյանքին մասնագիտական մասնակցություն ունենալու իմ տեսլականը կամաց-կամաց կյանքի է կոչվում: Համալսարանի «Ամբերդ» հեղափոխական կենտրոնի գործունեությունն այսօր տալիս է նշանակալի արդյունքներ. այսօրեղ ոչ միայն իրականացվում են հանրապետության տնտեսական արդիական հիմնախնդիրների վերաբերյալ հեղափոխություններ, այլև կենտրոնի աշխատակիցները բուհի դասախոսական կազմի ներկայացուցիչների հետ, որպես փորձագետներ, հանդես են գալիս համապետական քննարկումներում:

Մինչ տարեկան գիտաժողովի կազմակերպումը գիտական սեմինարների ձևաչափերով հանդես եկան մեր ամբիոնները՝ շնորհանդեսներով ներկայացնելով իրենց ուսումնասիրության առանցքում առկա թեմաները: Այս ուսումնական տարվանից տրվեց գիտաուսումնական լաբորատորիաների մեկնարկը, ինչը գիտական դրամաշնորհներ, գիտաուսումնական խմբեր և գիտահեղափոխական կյանքի աշխուժացմանը միտված այլ ձևաչափեր ներդնելու մեր մոտեցումների հրաշալի շարունակությունն է:

Համալսարանի տարեկան գիտաժողովը ես հատկապես կարևորում եմ ակնկալիքով, որ այն պետք է վեր հանի մեր հավաքական գիտական ներուժը, ցույց տա համալսարանում գիտական կյանքի որակական փոփոխությունը և դառնա հեղափոխ գործունեության յուրօրինակ ուղենիշ: Այս գիտաժողովի հիմքում տնտեսության և հասարակության զարգացման հարցերն են, որոնք ի ցույց են դնում մեր դարաշրջանի մարտահրավերներն ու հնարավորությունները: Իսկապես, սրանք այնքան փոխկապակցված և կարևոր հարցեր են, որոնք չպետք է անտարբեր թողնեն տնտեսագետներին, չէ՞ որ չի կարող լինել հասարակական զարգացման որևէ մակարդակ՝ առանց կենսունակ տնտեսության:

Հուսով եմ, որ գիտաժողովը՝ իր բաժանմունքներով և կլոր սեղաններով, հնարավորություն կտա մասնագետներին ներկայացնելու իրենց մոտեցումները, բացահայտելու գիտաժողովի խորագրում արտացոլված թեման՝ իր բոլոր շերտերով և նրբություններով: Այնպես որ, արգասաբեր և աշխույժ աշխատանք եմ մատչում Ձեզ:

Շնորհակալ եմ ուշադրության համար:

ԿՈՐՅՈՒՆ ԱԹՅԱՆ  
ՀՊՏՀ ռեկտոր, պրոֆեսոր

## ՌՈՒԶԱՆՆԱ ՀԱՐՈՒԹՅՈՒՆՅԱՆ

### ԲԺՇԿԱԿԱՆ ՓՈԽԱԲԵՐՈՒԹՅՈՒՆԸ ՏՆՏԵՍԱԳԻՏԱԿԱՆ ԴԻՍԿՈՒՐՍՈՒՄ

**Հիմնաբառեր.** կոգնիտիվ վերլուծություն, բժշկական փոխաբերություն, փոխաբերական դիսկուրս, ֆրեյմ, սլոթ

Հոդվածը նվիրված է հայեցակարգային փոխաբերությունների ճանաչողական վերլուծությանը փոխաբերական դիսկուրսում: Ուշադրության կենտրոնում բժշկական փոխաբերությունն է. փոխաբերությունը առողջ / հիվանդ օրգանիզմ է: Առանձնացված ֆրեյմները կոչված են ցուցադրելու ճանաչողական վերլուծության օգտագործման արդյունավետությունը փոխաբերական դիսկուրսում՝ հայեցակարգային փոխաբերությունների հետազոտության ժամանակ:

RUZANNA HARUTYUNYAN

### MORBIAL METAPHOR IN ECONOMIC DISCOURSE

**Key words:** cognitive analysis, morbial metaphor, economic discourse, frame, slot

The article is devoted to the cognitive analysis of conceptual metaphors in economic discourse. The focus is on the morbial metaphor: economy is a healthy / huge body. The selected frames are designed to demonstrate the effectiveness of the use of cognitive analysis in the study of conceptual metaphors in economic discourse.

## ՍԻՐԱՆՈՒՇ ՀԱՐՈՒԹՅՈՒՆՅԱՆ

Քիմ. գիտ. թեկնածու, ՀՊՏՀ

### ԱՆՁԻ ԷԿՈԼՈԳԻԱԿԱՆ ԿՈՒՆՏՈՒՐԱՆ ԵՎ ԱՆՎՏԱՆԳՈՒԹՅԱՆ ԽՆԴԻՐՆԵՐԸ

**Հիմնաբառեր.** էկոլոգիական անվտանգություն, էկոլոգիական իրավիճակ, էկոլոգիական հավասարակշռություն, ազգային անվտանգություն, էկոլոգիական կուլտուրա, ազգային էկոհամակարգ, էկոլոգիական աշխարհայացք, էկոլոգիական գիտակցության ձևավորում

Էկոլոգիական անվտանգության հարցը անմիջականորեն շաղկապված է մարդու հիմնական վիճակի՝ բնական անարատ միջավայրում ապրելու իրավունքի հետ: Էկոլոգիական դաստիարակության մշակույթը, ինչպես նաև ծագող հարցերի բարեհաջող լուծումը հիմնականում կախված են մարդու իմացությունից:

Էկոլոգիական աշխարհայացքի ձևավորման համար մեծ նշանակություն ունեն համապատասխան կրթությունը և դաստիարակությունը, որոնց հիմքը էկոլոգիական գիտելիքները, մշակույթը և էթիկան են:

Էկոլոգիական անվտանգությունը սոցիալ-տնտեսական և ռազմապաշտպանական ներուժի, արտաքին քաղաքական, ժողովրդագրական, հոգևոր-մշակութային և այլ հիմնատարրերի շարքում դրանցից ոչ պակաս ազգային անվտանգության կարևորագույն գումարելին է:

Էկոլոգիական անվտանգության հարցը շաղկապված է մարդու հիմնական իրավունքի՝ բնական անարատ միջավայրում ապրելու իրավունքի հետ:

Քաղաքակրթության անվտանգությունն սկսվում է մեր բարդ ժամանակներում ապրող առանձին անհատի անվտանգությունից:

Միջուկային և սովորական զենքերը, որոնք իբրև թե կոչված են պաշտպանելու մարդուն արտաքին ագրեսիայից, արդեն վաղուց լուրջ վտանգ են ներկայացնում ոչ միայն հնարավոր թշնամու, այլև սեփական ժողովրդի համար: Բնության հաշվեկշռի խախտումը կարող է հանգեցնել նաև երկրներում ու տարածաշրջաններում հարաշարժ հավասարակշռության խախտման:

Երկրի անվտանգությանն սպառնացող էկոլոգիական իրավիճակի համար անհանգստանալու հիմքեր կան: Վերջին տասնամյակում այն կտրուկ վատացել է: 1988 թ. աղետալի երկրաշարժի, պատերազմական վիճակի, բնօգտագործման, տարրերային ու անարդյունավետ գործունեության հետևանքով խոցելի է դարձել մեզ շրջապատող բնությունը, որը շարունակաբար է թալանվում ու աղքատանում է, անգութ ու ծանրաբեռնված շահագործման հետևանքով նվազում են առանց այն էլ սակավ արոտավայրերը, թույլ է ընդերքի շահագործման ոլորտում տեղ գտած չարաշահումների դեմ պայքարը:

Քանի որ էկոլոգիական հավասարակշռության խախտումը մոտենում է վտանգավոր սահմանին, ելնելով առողջ միջավայրում ապրելու՝ անհատի սահմանադրական իրավունքից և, ընդհանրապես, ժողովրդի գոյատևման պահանջներից, հրամայական է դարձել ազգային անվտանգության շահի պահպանումը:

Ստեղծված իրավիճակներում բնապահպանությունը պետք է համարել համաժողովրդական գործ՝ դրանում լայնորեն ներգրավելով հասարակությանը, կատարելագործել բնապահպանական իրազեկվածության դրվածքը՝ ստեղծելով անձի էկոլոգիական դաստիարակության և կրթության արդյունավետ համակարգ:

Ազգային անվտանգության ապահովմանն առնչվող էկոլոգիական ոլորտում պետության գործունեության գերակայելի խնդիրները պետք է լինեն՝

- բնօգտագործման և վերահսկման մարմինների գործառույթների համակարգումն ու բաժանումը,
- բնական ռեսուրսների խելամիտ օգտագործումը, բնակչության էկոլոգիական կուլտուրայի բարձրացումը, կրթությունն և դաստիարակությունը,
- արտադրական և այլ կարգի վթարները նվազագույնի հասցնելը,
- անվտանգ արտադրությունների ստեղծումն ու ներդրումը:

Անհրաժեշտ է մշակել և իրականացնել գոյապահպանության, արդյունաբերության, գյուղատնտեսության, առևտրի, զբոսաշրջության, քաղաքաշինության և այլ ոլորտներն ընդգրկող, ազգային մեր առանձնահատկությունները հաշվի առնող՝ շրջակա միջավայրի

պաշտպանության և բնական ռեսուրսների տնտեսական գնահատման և արդյունավետ օգտագործման երկարաժամկետ ծրագրեր, որոնք ազգային անվտանգության հրամայական են<sup>1</sup>:

Էկոլոգիական կուլտուրայի դաստիարակումը, էկոլոգիական հարցերի լուծման հաջողությունը մեծապես կախված են զանգվածային լրատվության միջոցներից, շրջակա միջավայրի վիճակի մասին ճշգրիտ տվյալների տիրապետումից, դրանց համամատչելիությունից: Անհրաժեշտ է հասարակությանը լայնորեն ներգրավել որոշումների մշակման և իրականացման գործում: Հանրապետության էկոլոգիական վիճակի հարցերն առաջիկայում իրենց արտացոլումը պետք է գտնեն նաև կարևորագույն գիտատեխնիկական հիմնախնդիրների լուծմանն ուղղված նպատակային համալիր ծրագրում, հատկապես, քիմիական նյութերի արտադրության նոր եղանակների ստեղծումն ու ներդրումը, էներգետիկայի զարգացումը, վնասատուներից, հիվանդություններից բույսերի և կենդանիների պաշտպանությունը, մարդու և շրջակա միջավայրի համար անվտանգ քիմիական միջոցների արտադրությունը և օգտագործումը, ինչպես նաև Սևանա լճի ջրային ռեսուրսների օգտագործումը բարելավելու և պահպանելու գիտատեխնիկական հիմունքների մշակումը ու համապատասխան միջոցառումների կիրառումը<sup>2</sup>:

«Արտադրության մեջ անհրաժեշտ է ներդնել վտանգավոր նյութերի արտահոսքը կանխելու, թափոնները վնասազերծելու և օգտագործելու եղանակներ: Ազգային էկոհամակարգի կենսունակությունը մեծապես կախված է ժողովրդի կուլտուրայից:

Լուրջ քայլեր պետք է ձեռնարկել արդյունաբերական ձեռնարկությունների, ավտոտրանսպորտի, բնակարանային կոմունալ տնտեսության օբյեկտների կողմից վնասակար նյութերի՝ մթնոլորտ կատարվող արտանետումները նվազեցնելու ուղղությամբ:

Միաժամանակ, պետք է իրականացնել արմատական միջոցառումներ քիմիական արտադրության, էներգետիկայի և էլեկտրաֆիկացման, հանքային պարարտանյութերի արտադրության, շինանյութերի արդյունաբերության և այլ ճյուղերի վերագործարկվող ու նորաստեղծ ձեռնարկություններում առանձին արտադրությունների տեխնիկական վերազինման հաշվին վնասակար նյութերի արտանետումները կրճատելու նպատակով:

Կարևորվում են անձի էկոլոգիական կրթությունն ու դաստիարակումը՝ որպես ընդհանուր կրթության և լուսավորվածության կարևոր բաղադրամաս:

Էկոլոգիական դաստիարակությունն ու կրթությունն անհատի ձևավորման կարևորագույն բաղադրամասն են, որով անձը դաստիարակվում է շրջակա միջավայրի նկատմամբ ունեցած ճիշտ վերաբերմունքի պահանջներով<sup>3</sup>:

Հատկապես մեր ժամանակներում հսկայական նշանակություն է ստանում աճող սերնդի՝ բնության, շրջակա միջավայրի պահպանման, դրա խելացի օգտագործման, վերարտադրման բնական նորմերով դաստիարակումը:

<sup>1</sup> «Էկոլոգիական իրավունք, նորմատիվային ակտերի ժողովածու, Եր., 2004:

<sup>2</sup> Гирсов Э.В., Широкова И.Ю., Экология и культура.

<sup>3</sup> Глазичев С.Н., Экологическая культура и обрзование, очерки истории, теории и практики, М., 1997.

Էկոլոգիայի բնագավառում պետական մակարդակով նախատեսվող տեխնիկատնտեսական ձեռնարկումներն առանց ժողովրդի համապատասխան լուրջ դաստիարակության և կրթության անհնար է իրագործել: Սրան կարելի է հասնել միայն բնապահպանական կուլտուրայի ձևավորմամբ, որը պետք է ներառի բնության խոցելիության, գենետիկական փոխադարձ կապերի կորստյան անդառնալիության, շրջակա միջավայրի վիճակից մարդու ապագայի կախվածության մասին հարուստ տեղեկություններ:

Այսօր, հատկապես էկոլոգիական - ճգնաժամային իրավիճակում, անձի կողմից բնության գիտական ճանաչողության խորացումն ու փիլիսոփայական իմաստավորումը պահանջում են շրջակա միջավայրի հանդեպ վերաբերմունքի փոփոխում:

Մարդը վաղուց է զբաղվում կենսոլորտի առանձին տարրերի վերափոխմամբ: Նրա ներթափանցումը ինքնակարգավորվող կենսոլորտի համակարգ, որը ձևավորվել է միլիոնավոր տարիների ընթացքում, նրանից պահանջում են առանձնահատուկ դիտարկումներ, շրջակա միջավայրի անվտանգությունը երաշխավորող կանխատեսման մեծ հնարավորություններ: Ահա թե ինչու, բնապահպանական կրթության և դաստիարակության հետագա խթանումը դառնում են օրվա հրամայականներ:

Այսպիսով՝ կրթության և դաստիարակության ռազմավարական նպատակը պետք է լինի էկոլոգիական աշխարհայացքի ձևավորումը, որի հիմքում էկոլոգիական գիտելիքներն են, մշակույթն ու վարքականոնը:

Ընտանիքում, նախադպրոցական հիմնարկներում հարկավոր է երեխաների մեջ սերմանել սեր բնության հանդեպ, իսկ դպրոցում և բուհում ուսումնասիրվող բոլոր առարկաներն անխտիր պետք է զինված լինեն էկոլոգիական գիտելիքներով:

Էկոլոգիական գիտակցության ձևավորումն ունի նաև բարոյական ենթատեքստ: Հասարակության հումանիստական վերաբերմունքում տնտեսական նոր հիմքի վրա տեղի է ունենում լուրջ փոփոխություն, որը հատուցում է նրա և բնության փախհարաբերության ձևերի բարոյական կարգավորման անհրաժեշտությունը: Բնության հետ շփումը մեծագույն դեր է կատարում մարդու հոգեկան, բարոյական զարգացման և նրա ներաշխարհի ձևավորման գործում, մեծապես նպաստում մարդու ունակությունների զարգացմանը<sup>1</sup>:

Բնապահպանական հաշվեսխալները հաճախ հանգեցնում են էկոնոմիկայում ձևախեղումների, նույնիսկ՝ փլուզման, քաղաքական բախումների, ազդում են մարդկանց վարքի վրա<sup>2</sup>:

Առանց մշտական տեղեկատվության, առանց ճշգրիտ գիտելիքների մենք չենք կարող ցանկալի ձևով բարձրացնել մարդկանց էկոլոգիական մշակույթի և բարոյականության մակարդակը, ապահովել հասարակության առաջընթացը:

Բնության և հասարակության փոխհարաբերությունների, աշխարհագրական միջավայրի գնահատման համար անառարկելի նշանակություն ունի հոգեբանական գործոնը: «Բնություն - անհատ» համակարգի վերլուծությունը հնարավորություն է ընձեռում շրջակա միջավայրի որակի մասին առավել իրական տեղեկատվություն ստանալու: Հոգեբանա-

<sup>1</sup> Ս.Մ.Շահինյան, Ն.Կ. Թահմազյան, Էկոլոգիա, Եր., 2002:

<sup>2</sup> Гирсов Э.В., Широкова И.Ю., Экология и культура, М., 1989.

կան գործոնի հաշվառմամբ հստակ ուրվագծվում են պատմական անցյալի ու արդիականության էկոլոգիական դասերը: Այս կապակցությամբ ծագող հարցերը բազմազան են: Այդ մասին շատ է գրվել Չեռնոբիլի, Սպիտակի երկրաշարժի առիթներով, որոնք նոր իմաստ են հաղորդել աղետների հետ կապված հոգեբանական հետազոտություններին. ինչպե՞ս են մարդիկ, մարդկանց խմբեր իրենց պահում բնական և այլ աղետների դեպքում, նախքան դրանց տեղի ունենալն ու աղետներից հետո, այս երևույթներից որոնք են առավել վտանգավոր թվում, և ինչո՞ւ է անտեսվում վտանգը՝ աղետյալ ու հնարավոր աղետի շրջաններում մնալով, ի՞նչ դեպքում է կատարվում բնակչության տեղաշարժ, աղետների շրջանից: Այս և նման բազմաթիվ հարցերի պատասխանները հնարավորություն կտան լավ ըմբռնելու և յուրացնելու էկոլոգիական դասը՝ միջավայրի որակի բարելավման, պետական միջոցառումների ձեռնարկման նպատակով: Էկոլոգիական հետազոտությունների հոգեբանական գործոնի հաշվառումը կօգնի աղետալի երևույթների դեմ պայքարի միջոցառումներ ձեռնարկելուն, դրանց նախապատրաստելուն, կանխելուն, անցանկալի հետևանքները վերացնելուն:

Գիտական և գործնական մեծ հետաքրքրություն ունեն մարդկանց հոգեբանությունն ու վարքը մարդածին և բնածին պատճառներով հարուցված էկոլոգիական աղետների ընթացքում ու դրանցից հետո: Այդ վարքագիծը կախված է գիտելիքների մակարդակից, լարված իրավիճակի հանգեցնող պատճառների և իրադարձությունների ըմբռնումներից: Բնության ներդաշնակ կերտումը, խեղաթյուրումից զերծ պահելը նույնպես էկոլոգիական կուլտուրայի բաղադրիչներից են:

## СИРАНУШ АРУТЮНЯН

### ЭКОЛОГИЧЕСКАЯ КУЛЬТУРА ЛИЧНОСТИ И ЗАДАЧИ БЕЗОПАСНОСТИ

*Ключевые слова:* экологическая безопасность, экологическая ситуация, экологический баланс, экологическая культура, национальная экосистема, экологическое мировоззрение, формирование экологического сознания

*Вопросы экологической безопасности непосредственно связаны с основным правом человека жить в первозданной чистоте.*

*Воспитание экологической культуры, успешное решение экологических вопросов, в основном зависит от осведомленности человека: Жизнеобеспечение национальной экосистемы в основном зависит от культуры народа. Для формирования экологического мировоззрения большое значение имеют образование и воспитание, основу которого составляют экологические знания, культура и этика.*



**SIRANUSH HARUTYUNYAN**  
**THE ECOLOGICAL CULTURE OF THE PERSON AND**  
**THE PROBLEMS OF THE SABILITY**

*Key words:* environmental safety, ecological situation, ecological Balance, ecological culture, national ecosystem, ecological worldview, formation of ecological consciousness

*The question of Environment security is connected with the major right of a man – the right of living in natural pure environment. The training of environment culture, -the success of solving the environmental questions, immensely depends upon people’s awareness and culture.*

*The strategic goal of education and training should be the formation of the environment mentality, which is based upon the environment know ledge, culture and ethics.*

**ՌՈՒՋԱՆԱՆԱ ՄԱՆԳԱՍԱՐՅԱՆ**

*Տնտեսագիտության թեկնածու, դոցենտ, ԱրՊՀ*

**ՄԱՐԴԿԱՅԻՆ ԿԱՊԻՏԱԼԻ ԱՐԴՅՈՒՆԱՎԵՏ ՕԳՏԱԳՈՐԾՄԱՆ  
ՀԻՄՆԱԽՆՂԻՐՆԵՐԸ ԱՀ-ՈՒՄ**

*Հիմնաբառեր.* մարդկային կապիտալ, տնտեսական աճ, առողջական վիճակ, կրթական մակարդակ, ժողովրդագրական իրավիճակ, արտագաղթ, աշխատանքի շուկա, կրթված գործազրկություն

*Հոդվածում դիտարկվում են ԱՀ-ում մարդկային կապիտալի արդյունավետ օգտագործման հիմնախնդիրները, ներկայացվում երկրում առողջապահության և կրթական մակարդակը բնութագրող հիմնական ցուցանիշները, կատարվում համեմատական վերլուծություններ և հիմնավորվում մրցունակ աշխատուժի և բարձրակարգ մասնագետների պատրաստման անհրաժեշտությունը երկրի տնտեսության բարգավաճման և տնտեսական անվտանգության ապահովման տեսանկյունից:*

*Հոդվածում ներկայացվում է նաև Արցախի աշխատանքի շուկային բնորոշ առանձնահատկություններից մեկը՝ «կրթված գործազրկությունը», որը բացատրվում է կրթական համակարգի և աշխատանքի շուկայի միջև գործող թույլ կապով:*

*Ժամանակակից տնտեսության ամենահրատապ հիմնախնդիրներից է մարդկային կապիտալի արդյունավետ օգտագործումը: Երկրում մարդկային կապիտալի զարգացումն առաջին հերթին կապված է կայուն տնտեսական աճի ձեռքբերման հետ: Արցախի Հանրապետությունում վերջին 10 տարվա ընթացքում ապահովվել է կայուն տնտեսական աճ,*